



ӘЛ-ФАРАБИ атындағы ҚАЗАҚ ҰЛТТЫҚ УНИВЕРСИТЕТІ    КАЗАХСКИЙ НАЦИОНАЛЬНЫЙ УНИВЕРСИТЕТ имени АЛЬ-ФАРАБИ    AL-FARABI KAZAKH NATIONAL UNIVERSITY

# ХАБАРШЫ

ХАЛЫҚАРАЛЫҚ ҚАТЫНАСТАР ЖӘНЕ  
ХАЛЫҚАРАЛЫҚ ҚҰҚЫҚ СЕРИЯСЫ

## ВЕСТНИК

СЕРИЯ МЕЖДУНАРОДНЫЕ ОТНОШЕНИЯ  
И МЕЖДУНАРОДНОЕ ПРАВО

## BULLETIN

INTERNATIONAL RELATIONS AND  
INTERNATIONAL LAW SERIES

4(68) 2014

ISSN 1563-0285  
Индекс 75873; 25873

ӘЛ-ФАРАБИ атындағы ҚАЗАҚ ҰЛТТЫҚ УНИВЕРСИТЕТІ

## ҚазҰУ ХАБАРШЫСЫ

Халықаралық қатынастар және халықаралық құқық сериясы

---

КАЗАХСКИЙ НАЦИОНАЛЬНЫЙ УНИВЕРСИТЕТ имени АЛЬ-ФАРАБИ

## ВЕСТНИК КазНУ

Серия международные отношения и международное право

---

AL-FARABI KAZAKH NATIONAL UNIVERSITY

## KazNU BULLETIN

International relations and international law series

# №4 (68)

Алматы  
«Қазақ университеті»  
2014

25.11.1999 ж. Қазақстан Республикасының  
Мәдениет, ақпарат және қоғамдық келісім министрлігінде тіркелген

Куәлік №956-Ж.

Журнал саяси, философиялық ғылымдар және мәдениеттану бойынша диссертациялардың негізгі қорытындыларын жариялау үшін Қазақстан Жоғары Аттестациялық Комитетімен ұсынылған // Докторлық диссертациялардың негізгі қорытындыларын жариялау үшін Қазақстан Жоғары Аттестациялық Комитетімен ұсынылған ғылыми басылымдардың тізімі кіреді // ЖАК бюллетені, №3 1998; Нормативтік және методикалық материалдарын жариялайтын ғылыми басылымдар тізімі Қазақстан ЖАК төрағасының бұйрығы 26. 06. 2003, №433-3 // Нормативтік және методикалық материалдар жинағы №6 ЖАК

**Редакция алқасы:**

Шакиров К.Н. – з.ғ.д., проф., ХҚФ деканы, ғылыми редактор  
Губайдуллина М.Ш. – т.ғ.д., проф., ғылыми редактордың орынбасары  
Балаубаева Б.М. – т.ғ.к., аға оқытушы, жауапты хатшы (жұмыс тел.: 8-727-243-83-27)  
Айдарбаев С.Ж. – з.ғ.д., проф.; Байзакова К.И. – т.ғ.д., проф.;  
Байтукаева А.Ш. – филол.ғ.к., доц; Глиссен Г. – PhD, проф. (АҚШ); Ибрашев Ж.У. – т.ғ.д., проф.;  
Кукеева Ф.Т. – т.ғ.д., проф.; Макашева К.Н. – т.ғ.д., проф.; Мухаметхан Н. – т.ғ.д., проф.;  
Сабикенов С.Н. – академик, з.ғ.д., проф.; Сайрамбаева Ж.Т. – з.ғ.к., доц.;  
Султанов Б.К. – т.ғ.д., ҚР Президенті жанындағы ҚСЗИ директоры; Шабаль П. PhD, проф. (Франция);  
Эшмент Б. PhD, проф. (Германия)

Ғылыми басылым

**ҚазҰУ ХАБАРШЫСЫ**

**Халықаралық қатынастар және халықаралық құқық сериясы  
№4(68)**

Редакторлары: Г. Бекбердиева, А. Иманғалиева  
Компьютерде беттеген А. Алдашева

**ИБ №7895**

Басуға 23.12.2014 жылы қол қойылды.  
Пішімі 84x108 <sup>1</sup>/<sub>8</sub>. Көлемі 10,8 б.т. Офсетті қағаз. Сандық басылыс.  
Тапсырыс № 2712. Таралымы 500 дана. Бағасы келісімді.  
Әл-Фараби атындағы Қазақ ұлттық университетінің «Қазақ университеті» баспа үйі.  
050040, Алматы қаласы, әл-Фараби даңғылы, 71.  
«Қазақ университеті» баспа үйінің баспаханасында басылды.



*Айдарбаев С.Ж., Бегжан А.М.*

Стандарты ВТО как форма узаконенного вмешательства в национальные законодательства государств  
(на примере Соглашения по правительственным закупкам ВТО от 15 апреля 1994 года) ..... 75

*Дабылтаева Н.Е.*

Инвестиционно-инновационная стратегия развития агропромышленного комплекса Казахстана  
в международном разделении труда ..... 81

*Бекмухаметова А.Б.*

Повторная девальвация в Казахстане ..... 88

**4-бөлім  
ХАЛЫҚАРАЛЫҚ ҚҰҚЫҚ**

**Раздел 4  
МЕЖДУНАРОДНОЕ ПРАВО**

*Сансызбайқызы С.*

Герман әкімшілік әділет жүйесіндегі судьялар мәртебесі ..... 94

*Амандосұлы Б., Айдарбаев С.Ж.*

ГАТТ шеңберінде ауылшаруашылық жабдықтарының импортына қатысты кемсітушілік жөніндегі  
дауға құқықтық талдау ..... 100

*Баймагамбетова З.М.*

Унификация коллизионного права в области международной торговли на примере деятельности  
Гаагской конференции по МЧП ..... 105

*Шакиров К.Н.*

О научном определении предмета судебной экспертизы как сферы практической деятельности ..... 112

*Досымбекова М.С., Токтыбеков Т.А.*

Вопросы совершенствования подготовки и проведения административной реформы ..... 117

**МЕРЕЙТОЙМЕН ҚҰТТЫҚТАУ**

**ПОЗДРАВЛЕНИЕ С ЮБИЛЕЕМ**

Шумилову В.М. – 60 лет ..... 123

Авторлар туралы мәліметтер ..... 124

<i>Dabyltayeva N.E.</i> Investment-innovative development strategy agro-industrial complex of Kazakhstan in the international division of labour .....	81
<i>Bekmukhametova A.B.</i> Repeated devaluation in Kazakhstan .....	88

#### Section 4 INTERNATIONAL LAW

<i>Sansyzbaykzy S.</i> The legal status of judges in the system of administrative justice in Germany .....	94
<i>Aidarbayev S.Zh., Amandossuly B.</i> Legal analysis of the dispute in relation to discrimination on the import of agricultural equipment in the framework of the GATT .....	100
<i>Baimagambetova Z.M.</i> Unification of Collision of Law in International Trade on the example of the Hague Conference on PIL .....	105
<i>Shakirov K.N.</i> On the scientific definition of the subject as a sphere of forensic practice .....	112
<i>Dosymbekova M.S., Toktybekov T.A.</i> Questions of improvement of preparation and carrying out administrative reform .....	117

#### GREETING COMMENTS ON THE ANNIVERSARY

Шумилову В.М. – 60 лет .....	123
Авторлар туралы мәліметтер .....	124



ӘОЖ 341: 339.52 (574)

Б. Амандосұлы\*, С.Ж. Айдарбаев

Әл-Фараби атындағы Қазақ ұлттық университеті,  
Қазақстан Республикасы, Алматы қ.

\*E-mail: A\_bagdat@mail.ru

### ГАТТ шеңберінде ауылшаруашылық жабдықтарының импортына қатысты кемсітушілік жөніндегі дауға құқықтық талдау

Аталған мақалада Ұлыбритания мен Италия арасында туындаған «Ауылшаруашылық жабдықтардың импортына қатысты кемсітушілік» дауы бойынша материалдық құқықтық мәселелер қарастырылады. Мақалада аталған даудың айрықша ерекшеліктері талданады. Дауларды шешу жөніндегі Дүниежүзілік сауда ұйымы органының осындай істерді шешу тәжірибесі бойынша Қазақстан Республикасы үшін ерекше маңызға ие, өйткені еліміздің сырқы саудасында ауылшаруашылық жабдықтар импорты үлкен орын алады. ГАТТ-ң III бабына сүйене отырып автор салыстырмалы-құқықтық әдісін қоса отырып, әртүрлі талдау тәсілдерін кешенді қолдану арқылы қарастырылатын дауды шешудің мүмкіндігін ұсынады. Бұл дауды шешудің басты нәтижесі – мемлекеттің шаруашылық субъектілеріне көрсеткен көмегі кемсітпеушілік қағидасын бұзуы мүмкін деген ережеде. Қорытынды бөлімінде аталған дауды шешу бойынша кейбір ұсыныстар келтіріледі.

**Түйін сөздер:** ДСҰ, ГАТТ, даулар, қаражаттар, несиелер, ауылшаруашылық жабдықтар, субсидиялар, сауда шарттары, келісуші тараптар, экономика, тауарлар, сату, сатып алу, тасымалдау, келіс-сөздер, импорт, баждар.

B. Amandossuly, S.Zh. Aidarbayev

### Legal analysis of the dispute in relation to discrimination on the import of agricultural equipment in the framework of the GATT

This article discusses the dispute which has arisen on the substantive issues between the «Great Britain and Italy in respect of agricultural equipment.» The paper analyzes the characteristics of the dispute. Practice organ of the World Trade Organization Dispute Settlement in such cases is of particular importance for the Republic of Kazakhstan in foreign trade which, import of agricultural equipment occupies a large place. Based on Article III of the GATT, the author presents a possible resolution of the dispute, based on the integrated use of different methods of interpretation, including comparative legal way. The main rule, which was established on the basis of the present dispute is the fact that state aid to economic entities may violate the principle of discrimination. Resulting in a set of proposals to resolve the dispute.

**Key words:** WTO, GATT, the Great Britain, Italy, disputes, finance, credit, agricultural equipment, subsidies, trade treaties, economy, goods, sale, purchase, transportation, agreement, import, duties.

Б. Амандосұлы, С.Ж. Айдарбаев

### Правовой анализ по спору в отношении дискриминации на импорт сельскохозяйственного оборудования в рамках ГАТТ

В данной статье рассматривается спор, возникший по материально-правовым вопросам между «Великобританией и Италией в отношении сельскохозяйственного оборудования». В статье проанализированы характерные особенности данного спора. Практика Органа Всемирной торговой организации по разрешению споров по подобным делам имеет особое значение для Республики Казахстан, во внешней торговле которой, импорт сельскохозяйственного оборудования занимает большое место. Основываясь на статье III ГАТТ, автор приводит возможное разрешение



рассматриваемого спора, опираясь на комплексное использование различных способов толкования, включая сравнительно-правовой способ. Главное правило, которое было установлено по итогам разрешения данного спора, заключается в том, что государственная помощь хозяйствующим субъектам может нарушать принцип дискриминации. В заключении приводится комплекс предложений по разрешению данного спора.

**Ключевые слова:** ВТО, ГАТТ, Великобритания, Италия, споры, финансы, кредиты, сельскохозяйственное оборудование, субсидии, торговые договоры, экономика, товары, продажа, покупка, перевозка, соглашения, импорт, пошлины.

## Кіріспе

Дауларды реттеу жүйесі көпжақты сауда жүйесін алдын ала болжауға мүмкіндік береді және қауіпсіздікті қамтамасыз етеді [1]. Бүгінгі күні Қазақстанның Дүниежүзілік сауда ұйымына мүше болып кіруіне байланысты келіссөздерін ескере отырып, аталған ұйымдағы дауларды мұқият зерттеу еліміздің маңызды және өзекті мәселелердің біріне айналуға.

Елбасы Н.Ә. Назарбаев «2012 жылы Қазақстанның ДСҰ-ға кіруі бойынша келіссөздер аяқталуы тиіс» [2] дей отырып, «Үкімет Қазақстанның экономикалық даму басымдықтарына сай келетін жағдайларда Дүниежүзілік сауда ұйымына кіру үдерісін жандандыруы тиіс» [3] екенін атап өтеді.

ДСҰ-ның көптеген келісімдері Қазақстан үшін өзекті болып табылатындығы екені бәрімізге мәлім: ол ұйымға қосылу ел экономикасына жағымды әсерлерімен қатар жағымсыз әсер етуі де мүмкін. Алайда осыған орай, Қазақстанның аталмыш ұйымға кіруінің салдарына дайын болу үшін ДСҰ қызметін мұқият жан-жақты зерттеу қажет. Алдымен, мүшелікке дайындалу және болашақта осыдан пайда табу үшін ДСҰ шеңберінде туындаған дауларды реттеу тетіктері қалай жұмыс істейтінін, ДСҰ мүше-мемлекеттеріне қандай мүмкіндіктер берілетінін, бұл процедураларға жүгінген кезде қандай қиындықтар туындауы мүмкін екенін анықтап, түсініп алған жөн.

Халықаралық интеграциялық үрдістерге Қазақстанның белсенді қатысуы сыртқы нарыққа отандық тауарларды экспорттауға ықпалын тигізеді. Бұл Қазақстанның құқықтық негізіне және тәжірибесіне бағытталған жағдайды жандандыру үшін әлеммен мойындалған дауларды реттеу тетіктерінің элементтерін халықаралық ұлттық стандарттарға айналдыруды қажет етеді. Осы тұрғыдан алғанда, халықаралық сауда мәселелерін шешуде үкіметаралық ұйымдардың мүмкіндіктерін жиі қолдану – жаһандық

кезеңдегі әдістердің негізі. Бүгінгі күні Қазақстан тауарлар мен көрсетілетін қызметтердің қазақстандық нарығына қолжетімділік бойынша ДСҰ-ға 29 мүше елмен екіжақты келіссөздерін аяқтап, тиісті хаттамаларға қол қойды [4].

Жалпы Дүниежүзілік сауда ұйымы 1995 жылы халықаралық сауданы либерализациялау және мүше-мемлекеттердің сауда-саяси қатынастарын реттеу мақсатында құрылып, өзінің келісімдерімен бүкіл әлемдегі мемлекеттердің арасында туындайтын дауларды шешудің дамыған жүйесін қалыптастырды. Аталған жүйе бойынша 1995 жылдың қаңтар айынан бастап 460 шағым беріліп, соның ішінде шамамен 200-ге жуығы толық құқықтық сараптамадан өткен. Ал қалғаны дауласқан елдердің өз мүдделері үшін сот талқылауынсыз реттелген. Олардың барлығы ұзаққа созылмай өңделген болатын. Дүниежүзілік сауда ұйымы өзінің бастауын 1947-1994 жылдар аралығында халықаралық сауда-экономикалық байланыстарды реттеп отырған Тарифтер мен сауда жөніндегі Бас келісімнен алады. Ол әлемдік сауданы реттейтін маңызды аппаратқа айналды. Әрине, Дүниежүзілік сауда ұйымы ұзақ уақыт бойы Бас келісімге жүгініп келе жатқаны анық, дегенмен ДСҰ халықаралық аренада пайда болған бір ерекше құбылыс. Себебі қазіргі кезде оған мүшелік етіп отырған 160 [5] мемлекеттің экономикасын реттеп, олардың арасында әртүрлі салаларда туындап отырған дауларды бейбіт жолмен шешу аса күрделі міндеті аталған ұйымға жүктеледі.

Дүниежүзілік сауда ұйымының дауларды шешу бойынша осы уақытқа дейінгі жинаған тәжірибесінің жалпы бүкіл әлемдегі мемлекеттердің дауларын бейбіт және нәтижелі шешілуінде алатын орны ерекше екені белгілі. ДСҰ шеңберіндегі дауларды тауарларға, зияткерлік меншікке және қызметтерге қатысты туындаған даулар деп бөліп қарастыруға болады. Соның ішінде тауарларға байланысты туындаған даулардың саны айтарлықтай өте көп екендігін атап өту қажет.



Дегенмен тікелей ДСҰ аясында қарастырылған тауарларға қатысты дауларға көшпес бұрын, оның ізашары болған Бас келісімнің өз тәжірибесінде орын алған осындай даулардың кейбіреулеріне ерекше тоқталу қажет.

### Негізгі бөлім

ГАТТ тәжірибесінде де даулар көбінесе тауарларға және оның импорты мен экспортына байланысты болған. Мәселен, ГАТТ дауларды шешу тәжірибесінде орын алған Ұлыбритания мен Италия арасындағы «Ауылшаруашылық жабдықтарының импортына қатысты кемсітушілік» дауын сарапқа салатын болсақ, бұл істе негізгі шағымның ГАТТ-ң III бабы, яғни Ұлттық режимге қатысты түскендігін аңғаруға болады. ГАТТ аралық тобының баяндамасы Келісуші тараптармен 1958 жылы 23 қазанда қабылданған болатын [6]. Бұл істе Ұлыбритания – жауапкер, ал Италия – талапкер болды.

Даудың мән-жайына үңілетін болсақ, 1952 жылдың 25 шілдесіндегі №949 Заң негізінде Италия үкіметімен арнайы қор құрылды. Ол Ауылшаруашылығы және орман шаруашылығы министрлігімен бөлінетін қаражаттар арқылы италиялық ауылшаруашылық техниканы иеленуге арнайы *inter alia* несиесін беруді қамтыған болатын. Аталған қор бюджеттік қаражаттан құрылған. Несиелер бес жылдық мерзімге 3% жылдық ставкалармен ұсынылып, жабдықтар құнының 75%-ын жауып отыратын болды. Сонымен қатар пайыздар мен несиенің негізгі сомасы қаражаттың алдағы уақытта несие ретінде қолданылуы үшін қорға қайтарылып отырды. Несие алушы шетелде шығарылған жабдықтарды алатын жағдайда, несиелеу шарттары азырақ жағымды болды. Нақтырақ айтатын болсақ, несие 10% жылдық ставкалармен беріліп отырған.

1949 жылы бұл заң күшіне енбей тұрып, әр үрлі ауылшаруашылық техникаға импорттық баж салықтары Бас келісім нормаларымен байлаулы болған. Соның ішінде цилиндрлерінің көлемі 7000 текше см-ге дейінгі ішкі жану қозғалтқышты тракторларға 40%-дық адвалорлық баж бекітілген. 1956 жылы болған келіссөздер барысында Италия осы тракторларға салынатын бажды 32%-дық мөлшерлемеге төмендеткен болатын.

Ұлыбритания Италия әрекеттеріне ұлттық режимді бұзды деген айыппен шағым жасады. ГАТТ III бабының I-тармағында: «Келісуші Тараптар, ішкі сауда-саттыққа, тауарларды сату, сатып алу, тасымалдау, бөлу және қолдану ұсы-

ныстарына қатысты ішкі салықтар мен басқа да ішкі алымдар, ережелер, заңдар мен талаптар, сондай-ақ тауарлардың белгілі бір мөлшерлерде және үлестерде араласуын, жасап шығарылуын және қолданылуын талап ететін сандық реттеудің ішкі ережелері импортталушы немесе отандық тауарға ішкі өндірісті қорғайтындай қолданылмауы тиіс», – делінген. Іс жүзінде, шетелдік ауылшаруашылық жабдықтарын сатып алуға, отандық ауылшаруашылық жабдықтарын иеленумен салыстырғанда, айтарлықтай қолайсыз жағдайлар туғызылды. Ұлыбритания делегациясының пікірінше, бұл ГАТТ-ң III бабына ашық түрде қайшы келді, сонымен қатар Ұлыбритания делегациясы бұл шағымда үкімет тарапынан ауылшаруашылық жабдықтарының италиялық жасап шығарушыларына бөлінуі мүмкін болған болжамды субсидиялар таласқа түспейтіндігін жариялады.

Бұған жауап ретінде италиялық делегация Бас келісімнің әрекет ету аясы сауданы реттейтін шаралармен ғана шектелгендігін, ал III: 4-баптың мәтіні тек тікелей сауда шарттарына, тасымалдануына және т.б. байланысты заңдарға, регламенттерге және талаптарға ғана қатысты болғандығын, сонымен қатар бұл баптың ережелерін кең түрде талқылаудың қажеті болмағандығын жария етті. Соның ішінде, қарастырылып отырған бапқа сәйкес, Келісуші Тараптардың міндеттемелері тауарларға деген сандық және сапалық талаптармен шектеліп, ал осы талаптарға сәйкес олар ішкі нарықта сату не сатып алу заты боуы мүмкін болған деп белгіленді. Сонымен қатар Италияның №949 заңы елдің экономикасының дамуы мен жұмысбастылық жағдайын жақсартуға бағытталған, ГАТТ III бабының жалғыз реттеу заты болып табылатын импортталушы немесе отандық тауарларды сату, сатып алу, тасымалдау шарттарына қатысы болмағандығын жариялады. Осылайша, ГАТТ III бабының ережелерін кең түрде талқылау дұрыс болмады. Себебі бұл Келісуші Тараптардың ішкі экономикалық саясаттарын қалыптастыруда және жүзеге асыруда олардың құқықтарының шектелуіне алып келді.

Топ баяндамасын сараптайтын болсақ, Аралық топ негізгі назарын Италияның №949 заңының әрекет етуі Ұлыбританияға залал тигізді ме және ондай залал Бас келісімге сәйкес берілген Италия артықшылықтарының төмендеуіне әкелді ме деген сұрақтарға аударды.

Топ сияқты, екі Тарап та ГАТТ III бабы бойынша, артықшылықтарды жою немесе қысқарту



Бас келісім ережелеріне қарама-қайшы келетін шаралар нәтижесі де, Бас келісімге қайшы келмеген шаралар нәтижесі де болуы мүмкін деген бір пікірде болды. Топ 1952-1957 жылдар аралығында Италияға тракторлардың импортталу статистикасын зерттеп, абсолютті сандарда болар-болмас өзгерістерге қарамастан, бірте-бірте импортталушы тракторлар санының қысқаруы орын алғандығы туралы қорытындыға келді. Бір жағынан италиялық тракторлар өндірісі өскен. Осы статистикаға сүйене отырып, Ұлыбритания үкіметі импорт үлесінің қысқаруы №949 заң салдарынан болды деп жариялады. Оған Италия делегациясы италиялық нарықта ұлттық өндірушілердің үлесі Екінші дүниежүзілік соғысынан кейінгі кезеңде жеткізілімдердің жақсаруы мен италиялық тракторлардың ұлттық ауылшаруашылық жағдайларына жақсы бейімделуіне байланысты болды деген жауап қайтарды.

Топ Ұлыбритания мен Италия арасындағы келіссөздер барысында Италия үкіметі ауылшаруашылық техникасын алу жүйесіне қатысты кез келген өзгеріс салдарлары белгілі бір қиындықтар себебіне айналуы мүмкін деген ұстанымда болғандығын атап өтті. Соның ішінде №949 заң шығарылған жеріне қарамай, барлық тракторларға қолданылатын болса, бұл ел бюджетіне қиындықтар алып келетіні анық. Италиялық өндіріс тракторларын сатып алушыларға жеңілдікті несиелер беру сияқты орнатылған шектеулер италиялық машина жасауды дамытуға көмектесу мақсатында қажет болды. Топ №949 заң әрекетінің италиялық және шетелдік өндіріс тракторларын иемденуге таралуы италиялық үкіметте қаржылық қиындықтардың туындауына алып келуі мүмкін емес деген қорытындыға келді. Ұлыбритания бюджеттік ақша бөлулерді (ассигнация) қысқартуды емес, шетелдік ауылшаруашылық техникасын сатып алушылар үшін тең жағдай жасауды сұраған болатын. Италиялық өнеркәсіп 32 %-дық адвалорлық импорттық баж арқылы қорғалып отырғандығы тағы да бар. Сондықтан да Топ италиялық сияқты шетелдік ауылшаруашылық техникасын сатып алушыларға жеңілдікті несиелер беру мемлекеттің экономикалық дамуына қайткенде де кедергі бола алады деген италиялық тарап қорытындысының негізсіздігіне сілтеді. Нәтижесінде, Италия шаралары ГАТТ-ң III бабына сәйкес емес деп танылып, бақталастық жағдайына тигізген қолайсыз әсерін жою үшін орынды мерзім аралығында №949 заңға өзгерістер енгізу туралы ұсыныстар берілген болатын.

### Қорытынды

Аталмыш дау тәжірибесінде ГАТТ-ң III бабы бойынша ұлттық режимге байланысты туындаған алғашқы прецедент (үлгі боларлық) болып табылатындығын атап өту қажет. Ұлттық режим қағидасы ГАТТ/ДСҰ-ның негізін қалаушы қағида болып табылады. Ұлттық режимнің мақсаты шетелдік және ұлттық тауарлар үшін тең бәсекелестік жағдайын жасау болып табылады. Бұл қағиданы кез келген бұзу көпжақты сауда келіссөздерін жүргізу кезінде мемлекеттер өзара ұсынатын шөгінудерді жояды, ал ол артықшылықтардың жойылуына немесе қысқаруына алып келеді. Ұлттық режимді бұзу шетелдік тауарларға қосымша алымдар мен салықтар салу түрінде ғана емес, сонымен қатар ондай тауарларға отандық тауарларға қойылмайтын белгілі бір талаптар қойылуы түрінде орын алуы мүмкіндігін атап өту маңызды. Ұлттық режимді бұзу мемлекет тарапынан отандық тауарлар тұтынушыларын ынталандыратын белгілі бір жағдайлар жасау кезінде орын алады. Италиялық ауылшаруашылығы техникасына жасалған жеңілдікті несиелер осыған айқын мысал бола алады. Осыдан Италияның іс-әрекеттері Ұлыбритания үкіметінің ауылшаруашылық техникасының экспортына кертартпа фактор ретінде әсер еткені және Бас келісімнің нормаларына қарама-қайшы болып отырғаны айқындалды. 1958 жылдың қарашасында Ұлыбритания мен Италия арасындағы бұл дауды реттеу жөнінде Уағдаластыққа қол жеткізілді.

Жоғарыдағы фактілерден ГАТТ аясындағы даулар көбінесе тауарларға байланысты туындаған сауда даулары болғандығына көзіміз жетті. Өзінің елу жылға жетпеген қызметі барысында (1948-1995 ж.) ДСҰ-да барлығы 98 дау қарастырылған болатын, ал ДСҰ 1995-2005 жылдар аралығында ДСҰ Дауларды шешу бойынша органына 329 шағым келіп, олардың 70-і кенесу арқылы өз шешімдерін тапқан және ДСҰ дауларды шешу бойынша органы аралық топтар мен Апелляциялық органдар баяндамаларын 84 дау бойынша қабылдап, нақты шешімдерге келген болатын [7]. Сонымен қатар 1995-2012 жылдар аралығында ДСҰ-ға барлығы 438 дау келіп түскен. Жалпы 2013 жылдың қарашасы басында ДСҰ аясындағы жалпы даулар саны 469-ды құрады [8]. Осылардың ішінде 2013 жылдан бастап Куба, Индонезия, Панама, Ресей және Вьетнам елдері дауларды шешу тәжірибесі жеткіліксіз екенін көрсетті [1].



Дегенмен халықаралық дауларды бейбіт жолмен шешу үшін бірегейлі үрдіс болып табылатын, құқықтық тұтастықты және саяси икемділікті құрайтын – квазисоттық сипат. ГАТТ дауларды шешу Баяндамалар қабылдануына қатысты белгісіздік бұл жүйенің үлкен кемшілігі

болды. Сондықтан мемлекеттер ГАТТ-ң аралық топтарына өте сирек жүгінетін. Осы және басқа да кемшіліктерге қарамастан ГАТТ-ң дауларды шешу тетіктері арқылы 94 даудың өз шешімін табуы сол кезде ұйым ретінде бекітілмеген келісім үшін үлкен жетістік болғаны анық.

#### Әдебиеттер

- 1 Dispute settlement: Jonathan t. Fried. 2013 in WTO Dispute Settlement// ДСҰ ресми сайты: [http://www.wto.org/english/tratop\\_e/dispu\\_e/jfried\\_13\\_e.htm](http://www.wto.org/english/tratop_e/dispu_e/jfried_13_e.htm) (14.11.2014 ж.).
- 2 Қазақстан Республикасының Президенті-Елбасы Н.ә. Назарбаевтың Қазақстан халқына Жолдауы «әлеуметтік-экономикалық жаңғырту – Қазақстан дамуының басты бағыты» 2012 жылғы 27 қаңтар. Қазақстан Республикасы Президентінің ресми сайты: [http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-kazakstan-khalkyna-zholdauy-27-01-2012zh\\_1341124121](http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-kazakstan-khalkyna-zholdauy-27-01-2012zh_1341124121) (14.11.2014 ж.).
- 3 Қазақстан Республикасының Президенті Н.ә. Назарбаевтың Қазақстан халқына Жолдауы. 2010 жылғы 29 қаңтар. «Жаңа онжылдық – жаңа экономикалық өрлеу – Қазақстанның жаңа мүмкіндіктері». Қазақстан Республикасы Президентінің ресми сайты: [http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-khalykka-zholdauy-2010-zh\\_1341123470](http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-khalykka-zholdauy-2010-zh_1341123470) (14.11.2014 ж.).
- 4 «Қазақстан Республикасы Экономика және бюджеттік жоспарлау министрлігінің 2014-2018 жылдарға арналған стратегиялық жоспары туралы
- 5 Қазақстан Республикасы Үкіметінің 2013 жылғы 31 желтоқсандағы № 1587 қаулысы». «Әділет» Қазақстан Республикасы нормативтік құқықтық актілерінің ақпараттық-құқықтық жүйесі ресми сайты: <http://adilet.zan.kz/kaz/docs/P1300001587> (14.11.2014 ж.).
- 5 Члены ВТО и наблюдатели 160 стран-членов на 26 июня 2014 // Центр экспертизы по вопросам ВТО Россия и Всемирная торговая организация Режим доступа: онлайн <http://www.wto.ru/chto.asp?f=memb&t=7> (15.11.2014 ж.).
- 6 Italian Discrimination against Imported Agricultural Machinery, Report adopted on 23.10.1958 (L/833 – 7S/60). Режим доступа: онлайн [http://www.wto.org/english/tratop\\_e/dispu\\_e/58agrmch.pdf](http://www.wto.org/english/tratop_e/dispu_e/58agrmch.pdf) (15.11.2014 ж.).
- 7 Полуэтков А.Б. ВТО как инструмент экономической политики стран-членов // Российский внешнеэкономический вестник. – 2006. – № 1 (Январь). – С. 19. Режим доступа: онлайн [http://www.rfej.ru/rvv/id/2BECE2/\\$file/19-25.pdf](http://www.rfej.ru/rvv/id/2BECE2/$file/19-25.pdf) (18.11.2014 ж.).
- 8 9<sup>th</sup> WTO ministerial conference, Bali, 2013 // Briefing note: Dispute settlement – force of argument, not argument of force. ДСҰ ресми сайты: [http://www.wto.org/english/thewto\\_e/minist\\_e/mc9\\_e/brief\\_dispu\\_e.htm](http://www.wto.org/english/thewto_e/minist_e/mc9_e/brief_dispu_e.htm) (19.11.2014 ж.).

#### References

- 1 Dispute settlement: Jonathan t. Fried. 2013 in WTO Dispute Settlement // DSY resmi sayty: [http://www.wto.org/english/tratop\\_e/dispu\\_e/jfried\\_13\\_e.htm](http://www.wto.org/english/tratop_e/dispu_e/jfried_13_e.htm) (14.11.2014 zh.).
- 2 Kazakstan Respublikasynyn Prezidenti-Yelbasy N.Ә. Nazarbayevty-n Kazakstan khalkyna Zholdauy «Әleumettik-ekonomikalыk zhanғыrtu – Kazakstan damuynyn basty baғыty» 2012 zhylygy 27 kantar Kazakstan Respublikasy Prezidentinın resmi sayty: [http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-kazakstan-khalkyna-zholdauy-27-01-2012zh\\_1341124121](http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-kazakstan-khalkyna-zholdauy-27-01-2012zh_1341124121) (14.11.2014 zh.).
- 3 Kazakstan Respublikasynyn Prezidenti N.Ә.Nazarbayevty-n Kazakstan khalkyna Zholdauy. 2010 zhylygy 29 kantar. «Zhana onzhylydyk – zhana ekonomikalыk орлеу – Kazakstannyn zhana mumkindikteri» Kazakstan Respublikasy Prezidentinın resmi sayty: [http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-khalykka-zholdauy-2010-zh\\_1341123470](http://www.akorda.kz/kz/page/kazakstan-respublikasynyn-prezidenti-n-a-nazarbaevty-n-khalykka-zholdauy-2010-zh_1341123470) (14.11.2014 zh.).
- 4 «Kazakstan Respublikasy Ekonomika zhәне byudzhettik zhosparlau ministrліgini-n 2014-2018 zhyldarğa arналған strategiyalyk zhosparы turaly Kazakstan Respublikasy Ukımetinın 2013 zhylygy 31 zheltoksandағы № 1587 kaulыsy». «Әdilet» Kazakstan Respublikasy normativtik kukyktyk aktılerinın akparattyk-kukykyk zhuyyes resmi sayty: <http://adilet.zan.kz/kaz/docs/P1300001587> (14.11.2014 zh.).
- 5 Chleny VTO i nablyudateli 160 stran-chlenov na 26 iyunya 2014 // Tsentr ekspertizy po voprosam VTO Rossiya i Vsemirnaya trgovaya organizatsiya Rezhim dostupa: onlayn <http://www.wto.ru/chto.asp?f=memb&t=7> (15.11.2014 zh.).
- 6 Italian Discrimination against Imported Agricultural Machinery, Report adopted on 23.10.1958 (L/833 – 7S/60). Rezhim dostupa: onlayn [http://www.wto.org/english/tratop\\_e/dispu\\_e/58agrmch.pdf](http://www.wto.org/english/tratop_e/dispu_e/58agrmch.pdf) (15.11.2014 zh.).
- 7 Poluetkov A.B. VTO kak instrument ekonomicheskoy politiki stran-chlenov // Rossiyskiy vneshneekonomicheskiy vestnik. – 006. – № 1 (Yanvar’). – S. 19. Rezhim dostupa: onlayn [http://www.rfej.ru/rvv/id/2BECE2/\\$file/19-25.pdf](http://www.rfej.ru/rvv/id/2BECE2/$file/19-25.pdf) (18.11.2014 zh.).
- 8 9<sup>th</sup> WTO ministerial conference, Bali, 2013 // Briefing note: Dispute settlement — force of argument, not argument of force. DSU resmi sayty: [http://www.wto.org/english/thewto\\_e/minist\\_e/mc9\\_e/brief\\_dispu\\_e.htm](http://www.wto.org/english/thewto_e/minist_e/mc9_e/brief_dispu_e.htm) (19.11.2014 zh.).